

金匱要略今釋 卷八

王新華



# 金匱今釋八卷

定價國幣拾貳圓  
外埠酌加郵匯費

著者 川沙陸淵雷  
上海牯嶺路人安里

參校者 嘉定沈本瑛  
上海牯嶺路人安里

發行者 上海陸淵雷醫室  
電話九三二八六號

製版者 上海三明印刷廠  
上海齊物浦路洪興里

印刷者 上海辛利印刷公司  
上海華德路鴻福里  
電話四六四五六號

此書有著作權  
禁止剽竊  
翻印

中華民國廿三年十月製版  
中華民國廿四年二月發行

## 陸淵雷招收從弟子函授醫學

本醫室開辦遙從函授科學化之中醫學。已出講義二十期。學者來函無不深表滿意。惟敝處不事宣傳。僅於開辦時登日報一次。故知者尚少。來學者亦不多。今續招新學員。凡國文通順。有志學醫者。不限年齡性別。皆可入學。尤宜於後開各界人士。(一)謀家庭衛生。欲得醫藥知識者。(二)感中醫學說之玄奧。欲得科學化合理理化之醫學說者。(三)西醫欲兼學中醫者。(四)舊中醫欲補充新學說。及臨診上之知識技能者。印有章程。函索附郵票五分。凡於國歷本年三月底以前入學。一次繳束脩五個月以上者。贈陸氏論醫集一部。價值五元。一次繳束脩五個月以上者。贈閱中醫新生命五期。從最近出版者起。按期寄發。舊生續繳束脩者。於期限內亦同贈。又敝處學員。除因經濟衰落。中途要求減費而不許。以致輟學者外。現有繼續修業者百餘人。他日滿足二百人時。束脩尚可照章減少。敝處向不用手段作招徠方法。滿足二百人。然後減費。亦是事實問題。蓋一樣排印。寄發人少人多。同一勞費。人多。惟增加閱卷答問時間而已。人少。則不敷印刷辦公諸費。即收費無法核減也。他日減費時。舊學員繼續修業。或已畢業者。得扣還溢繳之束脩。其辦法屆時另訂。務期極公道。一併聲明。

上海牯嶺路人安里陸淵雷醫室啓 電話九三二八六



# 陸 著 醫 書

## 金匱要略今釋

本書比傷寒論爲難讀。故古今注解極少。近出參以新理者。尤渺不可得。遑論精粗。淵雷此著。後於傷寒今釋三年。自謂發明新義極多。比傷寒今釋更善。連史紙精裝八厚冊。定價十二元。實售七折。郵費四角。國外酌加。

## 傷寒論今釋

用科學解釋最有價值之舊醫書。說解詳明。徵引極博。可以作研讀古書之鎖鑰。亦可以實際應用。與金匱今釋同爲中醫必讀之書。連史紙精裝八厚冊。定價十元。實售七折。郵費三角。國外酌加。

## 陸氏論醫集

淵雷歷年論醫文字。文言白話長篇短篇俱有。議論精警。趣味雋永。連史紙精裝四大冊。定價五元。實售六折。郵費二角。國外酌加。

爲金匱出版紀念。售特價兩個月。金匱傷寒皆售六折。論醫集對折。國歷三月底截止。期內合購金匱傷寒者。贈論醫集一部。不取分文。

## 中醫新生命

此係月刊。已出六期。零售每期一角五分。定閱全年一元四角。半年七角。半郵費在內。國外酌加。

## 發行處

上海牯嶺路人安里陸淵雷醫室

## 代售處

上海四馬路二八三號國醫印書館  
上海三馬路千頃堂書局



金匱要略方論今釋卷八

川沙 陸彭年淵雷 撰述

受業妻嘉定沈本琰 參校

●雜療方第二十三

論一首 證一條 方二十二首

自此以下三篇。閒有仲景遺文。而後人沾益者多。二注本及魏尤朱注本並不載。  
退五臟虛熱。四時加減柴胡飲子方。

冬三  
月加 柴胡 八分

白朮 八分

陳皮 五分

大腹檳榔 四枚并皮子用

牛薑 五分

桔梗 七分

春三  
月加 枳實

減 白朮 共六味

夏三  
月加 生薑 三分

枳實 五分

甘草 三分共八味

秋三  
月加 陳皮 三分共六味



右各咬咀分爲三貼一貼以水三升煮取二升分溫三服如人行四五

里進一服如四體壅添甘草少許每貼分作三小貼每小貼以水一升

煮取七合溫服再合滓爲一服重煮都成四服

疑非仲景方

方函口訣云此方爲四逆散之變方治時時發肌熱一也或如瘧狀二三日苦悶

者二也腳氣初期似傷寒而發熱者三也皆有效煎法爲宋人所改不可從渡邊

熙云竊思古代無論何病病名不定者多未記明係某病之某證候故方函口訣

之記載有若謎語此實因其無現今科學的病理學故也將來和漢醫學亟宜研

究此點使適合於現代醫學之病理學說明某病之某證宜適用某方今請舉一

例淺田氏所舉三證予鑑定爲潛伏之先天黴毒或三期黴毒由氣候疲勞或其

他原因而發作者其次尚有附記者三潛伏黴毒時時發作顯原因不明之肌熱

者本方治之一也潛伏黴毒時作瘧狀發暴熱二三日閒苦悶者亦用本方二也

潛伏黴毒續發腳氣病者往往發熱呈室扶斯熱型此時本方有大效三也本方



宜細切囊包。浸以沸水。數振其囊。以出藥汁。不可久煎。如是則易飲而實行亦便。  
○渡邊之書。名東洋醫學處方各論。乃取淺田方函口訣而加以按語者。市上所  
行漢和處方學津梁。卽其譯本。然渡邊之按語。較口訣頗爲難譯。此條係金君正  
愚代譯。附書識謝。

淵雷案。五臟虛熱。謂發熱之非因外感實邪者。卽東垣所謂內傷之類。方意在於  
行氣。頗似四逆散及局方逍遙散。桔梗陳皮檳榔。開宣上中下三部。今人多喜此  
法。其方稱飲子。加減隨四時。橘皮稱陳皮。藥量以分計。藥劑以貼計。以及合滓再  
煎等法。皆是宋以後法。決非仲景方。程氏不載本方。金鑑謂方證不屬。皆有所見  
也。至其用法。當如淺田之口訣。蓋治原因不明之發熱耳。渡邊推測以爲黴毒。則  
因倭島遍地姪瘡。狃於見聞之故。吾華宋以前絕少黴毒。古人豈能爲千百年後  
豫立方劑哉。且本方雖能治黴毒發熱。實非根治黴毒之劑。渡邊之糞法。亦是彼  
邦習慣。倭商所售中將湯。附有小囊。卽如此用。金君正愚云。



丹波氏醫賸云。藥一貼。始見金匱柴胡飲子方後。或通作帖。蓋是包裹粘貼之義。陳眉公太平清話云。宋朝吳郡士登科者。始於龔誠。其家居崑山黃姑廟。猶藏登第時金花榜帖。乃塗金紙。闊三寸。長四寸許。大書姓名。下有兩知舉花押。又用白紙作大帖。如藥帖狀。貯金花帖於中。外亦書姓名二字。蓋以此報其人。以此知其制與斯邦藥裸相似也。元堅云。藥以貼稱。宋以上所罕見。藥滓再煮。見陶氏本草序例。然僅係于諸補湯所用。

### 長服訶梨勒丸方

疑非仲景方

訶梨勒

煨

陳皮

厚朴

各三兩

右三味末之。煉蜜丸如梧子大。酒飲服二十丸。加至三十丸。

此亦非仲景語。藥所以去病。病去則藥止。無常服之理。況三味皆破氣行氣之劑。非若後世補益方。可以常服無害者。金鑑以為前篇治陰吹之方。亦與病理不合。

### 三物備急丸方

見千金司空裴秀為散用亦可先和成汁乃傾口中令從齒間得入至其驗



大黃 一兩

乾薑 一兩

巴豆 一兩去皮心  
熬外研如脂

右藥各須精新。先擣大黃乾薑為末。研巴豆內中。合治一千杵。用為散。蜜和丸亦佳。密器中貯之。莫令歇。○主心腹諸卒暴百病。若中惡客忤。心腹脹滿。卒痛如錐刺。氣急口噤。停尸卒死者。以暖水若酒服大豆許三四丸。或不下。捧頭起灌。令下咽。須臾當差。如未差。更與三丸。當腹中鳴。即吐下。便差。若口噤亦須折齒灌之。

歇下。千金有氣字。徐氏沈氏本同。程本金鑑並改作泄。

此與走馬湯。俱是開通壅塞。取急吐下之方。惟彼有水毒。故佐杏仁。此則宿食停積。故佐大黃。彼但治心腹脹痛。此則卒死口噤。不但病情異。其緩急亦殊。中惡客忤。停尸卒死。皆言病之急暴。故方名備急。中惡已詳走馬湯下。客忤卒死。亦見巢源。云卒忤者。亦名客忤。謂邪客之氣。卒犯忤人精神也。此是鬼厲之毒氣。中惡之類。人有魂魄衰弱者。則為鬼氣所犯忤。喜於道開門外得之。其狀心腹絞痛脹滿。





氣衝心胸。或卽悶絕不復識人。肉色變異。府藏虛竭者。不卽治乃至於死。又云。卒死者。由三虛而遇賊風所爲也。三虛。謂乘年之衰。一也。逢月之虛。二也。失時之和。三也。人有此三虛。而爲賊風所傷。使陰氣偏竭於內。陽氣阻隔於外。二氣壅閉。故暴絕如死。若府藏氣未竭者。良久乃蘇。然亦有挾鬼神之氣而卒死者。皆有頃邪退乃活也。丹波氏云。停尸無考。蓋是卽遁尸。案巢源遁尸候云。遁尸者。言其停遁在人肌肉血脈之間。若卒有犯觸。卽發動。亦令人心腹脹滿刺痛。氣息喘急。傍攻兩脇。上衝心胸。瘥後復發。停遁不消。故謂之遁尸也。

千金方云。張仲景三物備急丸。司空裴秀爲散用。治心腹諸卒暴百病方。大黃乾薑巴豆各等分。右皆須精新。多少隨意。先擣大黃乾薑。下篩爲散。別研巴豆如脂。內散中。合擣千杵。卽爾用之爲散。亦好下蜜爲丸。密器貯之。莫令歇氣。若中惡客忤。心腹脹滿刺痛。口噤氣急。停屍卒死者。以煖水若酒。服大豆許三枚。老小量之。扶頭起。令得下喉。須臾未醒。更與三枚。腹中鳴轉。得吐利便愈。若口已噤。可先和



成汁。傾口中。令從齒間得入。至良。出第十二卷萬病丸散門案此篇本係後人掇拾。非雜病論原

文。千金此條。即其所據。故具錄之。以資對校。又見外臺三十一卷。文小異。

又云。雷氏千金丸。主行諸氣。宿食不消。飲實。中惡心腹痛如刺。及瘧方。於本方加右桂心消石

五味。末之。密丸。搗三千杵。服如大豆二丸。神驗無比。已死折齒灌之。

又云。治遁尸尸疰心腹刺痛不可忍者方。本方去大黃加桂心右三味。治下篩。以上酢和如泥。

傳病上。乾即易之。

千金月令云。抵聖備急丸。主乾霍亂。心腹百病。疰痛等方。即本方丸如棗豆大。每服

空心服三丸。快利為度。

外臺祕要云。許仁則云。乾霍大小便不通。煩冤欲死。宜急與巴豆等三味丸服之。

服取快利。參看傷寒今釋霍亂篇

又云。古今錄驗三味備急散。即本方本療卒死感忤。宮泰以療人卒上氣。呼吸氣不

得下。喘逆。差後已。案即為常用方。出第十卷因食飲水上氣門淵雷案。常用。非無病常服之謂。蓋



上氣多反復休作。若差後復因食飲水而上氣。仍可以此治之。故曰常用爾。

又云。古今錄驗。司空三物備急散。即方療卒死及感忤。口噤不開者。出二十八卷卒死門

又云。崔氏備急散。即千金治通尸疰之方療卒中惡。心痛脹滿。欲吐短氣。出三十一卷古今諸家散方

聖惠方云。備急丸。治霍亂心腹疰痛。冷氣築心。

又云。治因食熱飽。及飲冷水過多。上攻肺藏。喘急不已。並即本方

又云。治乾霍亂心腹疰痛。氣短急。四體悶。不吐利。煩惋難忍。此名乾霍亂。斯須不

救。即殺人。急治方。於本方加吳茱萸

又云。治惡疰心腹痛。如錐刀所刺。脹滿欲死者。消石圓。於本方加消石附子

又云。治暴癘氣攻心腹脹痛。不欲飲食。宜服巴豆圓。於本方加水香蓬菰

又云。治卒死及感忤。口噤不開者。宜服此方。即本方

聖濟總錄云。備急丸。治霍亂卒暴心腹痛。

又云。治小兒木舌。腫脹滿口中。三物備急丸。



十便良方云。返魂丹。即本方治腸內一切卒暴百病。

全生指迷論云。若寒熱如瘧。不以時度。腸滿膨脝。起則頭暈。大便不通。或時腹痛。

胸膈痞悶。此由宿穀停留不化。結於腸間。氣道不舒。陰陽反亂。宜備急圓。出幼幼新書

熱交作門

澹寮集驗方云。曾有婦人。熱而大便秘。脈實。子死腹中。已致昏不知人。醫用備急元。胎下人活。

程氏醫學心悟云。獨行丸。治中食至甚。胸高滿悶。吐法不效。須用此藥攻之。若昏暈不醒。四肢僵硬。但心頭溫者。抉齒灌之。即本方三味研細。薑汁為丸。如黃豆大。每服五七丸。用薑湯化下。若服後瀉不止者。用冷粥湯飲之即止。

方極云。備急圓。治心腹卒痛者。方機云。治食滯腹痛者。心痛諸卒痛者。霍亂吐下心痛者。

原南陽砒草云。大食傷大霍亂妙方。即本方突然腹痛甚烈。氣絕者。用之。在上則吐。



在下則瀉。又數日在馬上受風時。有病風眼者。痛烈時用之。

春林軒丸散便覽云。大呂丸。治毒迫心下。心腹卒痛。氣急者。此方卽所謂備急圓。後世家之徒。多能用之。惟後世多用於食毒。其實不限於食毒。凡毒迫心下。急痛者。皆可用之。若不大便。或因腹滿急痛。致四肢微冷。或中暑毒。迫於心下而急痛。用理中湯香薷飲等難效者。皆可用此方。

類聚方廣義云。此方治飲食傷霍亂。一切諸病暴發。心腹滿痛者。妊娠水腫。死胎沖心。便秘脈實者。用之則下。紫圓亦佳。但當審其人強弱以處之。

又云。霍亂病雖因外感。蓋屬傷食。又有挾疴癘激動者。其不吐不下。胸腹劇痛者。當先與備急圓紫圓以吐下之。腹痛悶亂止。嘔不止。藥汁不入者。宜小半夏加茯苓湯。以止其嘔。吐下後頭痛發熱。身疼痛。渴而嘔吐。小便不利。脈浮數者。宜五苓散。前症吐利不止。四肢微冷。好熱飲者。人參湯。吐下止。大熱大渴。煩躁。心下痞鞭者。白虎加人參湯。前症頭痛汗出。惡寒。身體疼痛。心下不痞鞭者。白虎加桂枝湯。



乾嘔不止。冷汗厥逆。轉筋腹痛。脈微欲絕者。可用四逆湯。苟精究攻伐之術。治安之策。設施不誤。則起其可起者。豈難事哉。

元堅云。此方所主。其證極暴極實。僅有顧慮。禍速反掌。是以其治要在短刀直入。咄嗟奏凱。故巴豆辛熱峻下。以爲之君。大黃爲臣。以輔峻下之用。乾薑爲佐。以助辛熱之性。三味相藉。其功益烈。爲攻瀉諸方之冠。所以能相抵當也。雷公炮炙論云。云如大豆許者。取重十兩鯉魚目比之。方輿輓云。此丸本酒服之方。今醫多用白湯送下。然用酒則助藥力。其功更大。一男子傷食。社中醫生用備急走馬等。無寸效。技窮之餘。試令飲酒。仍服前藥。遂得快吐下而康復。

建殊錄云。有恕首坐者。伯州人也。游京師。與我輩善。首坐一日謁先生曰。頃者得鄉信。貧道戒師某禪師者。病腫脹。二便不通。衆醫皆以爲必死。將還侍湯藥。願得先生備急圓者而往矣。乃作數劑與之。比及首坐還。禪師僅存呼吸。卽出備急圓服之。下利數十行。腫稍減。未及十日。全愈。



又云。笹山侯臣河合九郎兵衛者。一日卒倒。呼吸促迫。角弓反張。不能自轉側。急為備急圓飲之。每服重五錢下利如傾。即復故。

漫游雜記云。一男子。病疥癬。以散藥摩擦數日而愈。後作湯藥浴焉。浴後中風。發

寒熱。毒氣內攻。滿身暴脹。兩便斷而不下。氣急脈數。不能移一步。請余。余謂家人

曰。斯症死不旋踵。非峻攻之藥。則難與爭鋒。與備急圓五分。快利三行。其明。作東

洋先生赤小豆湯。赤小豆商陸麻黃桂枝反鼻連翹生薑大黃使服三大盃。又利二行。其明又與備急圓。利

十餘行。毒氣漸滅。瘡痕發膿。續與赤小豆湯。二十餘日而全愈。

又云。大坂賈豎。感暑泄利。其妻少而姣。時醫皆以為虛火上衝。與益氣湯三十餘

日。下既斷。心下絞痛。三日夜無閒斷。四肢拘攣。口不能言。服附子理中湯數貼。不

治欲死。請余。余曰。是邪毒結而上攻。當下之。醫生暨傍人皆不可。賈豎特曰。下之

雖死。不下亦死。死則一也。不如服之。無遺憾。於是與備急圓二十粒。服後悶滿。食

頃。絞痛不發。而便未得下。余診其腹。臍下隱然怒脹。曰。是心下雖已解。藥氣為疝



所閉耳。迺作黃連瀉心二貼進之。其夜二更。便下。家人來報。余曰。當不過五六行。無它故也。至明。下六行。神氣輕健。得行步。與半夏瀉心加大黃湯。二十日而全瘥。續建殊錄云。京師辰巳屋某者之僕。當食時。忽咽痛。少間。手足厥冷。如死者狀。二醫診之。一醫以爲寒疾。一醫以爲纏喉風。曰。此證宜備急圓。然未之試。故辭不療。乃迎先生審之。先生曰。備急圓固的當也。與之一時許。大便快通。疾如洗。

治傷寒令愈不復紫石寒食散方。

見千金翼

紫石英

白石英

赤石脂

鍾乳

括藁根

防風

桔梗

文蛤

鬼臼

太一餘糧

乾薑

附子

桂枝

右十三味杵爲散酒服方寸七

見千金翼第十五卷大補養門云。張仲景紫石寒食散。治傷寒已愈不復方。巢源寒食散發候云。仲景經有紫石英方。蓋卽指此。千金翼論曰。病患已成。卽須勤於





藥餌。所以立補養之方。此方皆是五石三石大寒食丸散等藥。自非虛勞成就。偏枯著床。惟向死近。無所控告者。乃可用之。斯誠可以起死人耳。平人無病。不可造次著手。深宜慎忌。據此。則諸石寒食方。本以治久病痼疾。謂之寒食者。服藥後須冷食。冷水浴。減衣薄覆臥故也。而貪妄之徒。服此以求長生。方及服食法度。詳巢源千金翼。然其弊往往癱疽陷背。天害年命。故又有石發解散諸方。古詩十九首。服食求神仙。多為藥所誤。蓋服石之風。盛於漢魏。至唐以後始衰歇。今人則莫敢妄試矣。又案千金翼治傷寒已愈不復。蓋謂氣體不恢復。金匱云治傷寒令愈不復。乃似食復勞復之復。此編次者之誤。徐注直云愈而不復發。非也。又醫心方第二十卷服石方中。引仲景方四首。蓋仲景別有服石方。在傷寒雜病論之外。而今佚矣。宋史藝文志既錄張仲景傷寒論及金匱要略方。又錄張機金石制藥法一卷。可證也。

救卒死方。

